

傳曰依啓兵家之事勢而已徐圖幸甚姑且厚待結其歡心若至蒙刑貽笑後世使賊聞之喜可知也○未時日暈○甲午

王世子朝安

安○政院

啓曰令各道收拾死亡人尸骸葬

為義塚別為設祭事今當並

諭于統制使矣臣等伏聞閩山

島戍卒長在船上不見放還至淹數歲其為困苦倍甚於陸陣人皆厭避百計逃躲故諸將嚴加防禁拘之如繫雖海島之中不敢任意下船泉水不得飲恒飲鹹水且糧餉常患不足人不得日食一升軍中莫不飢餒兼且霧瘴所侵疾病易乘輾轉淙熾死者枕籍極為矜痛死者已矣生者可惜自今以後毋如前日拘繫另加撫恤賑飢救疾等事十分盡心以體如傷之念並入於下諭中上從之○卯時辰時日暈夜一更艮方雲中如火氣五更金星與木星同度○乙未卯時上御別殿講周易領事金應南知事金晬大司憲金字顯特進官李輅大司諫李廷馨特進官姜紳參贊官鄭述侍講官金時獻檢討官鄭經世假注書尹晫記事官吳百齡李廷讎入侍講畢上掩卷